

第六八九冊

經濟彙編

食貨典

漕運部

（卷）
一五—二五

古今圖書集成

中華書局影印



古今圖書集成

中華書局影印

欽定古今圖書集成經濟彙編食貨典

第一百五十七卷目錄

漕運部彙考三

後梁 太祖開平一則

後唐 莊宗同光二則 明宗天成三則 長興

後晉 高祖天福一則

後漢 高祖乾祐一則

後周 世宗顯德三則

遼 聖宗太平一則 天祥帝保大一則

宋 一總一則 太祖一則 太宗建隆二則 太

宗太平興國六則 雍熙三則 端拱二則 太

平二則 景德三則 大中祥符四則 天禧

二則 仁宗天聖二則 景祐一則 寶元二

則 慶曆二則 皇祐二則 嘉祐五則

食貨典第一百五十七卷

漕運部彙考三

後梁

太祖開平二年開白小河以利漕運

按五代史太祖本紀不載 按開府元龜開平二年

春正月荊州奏開白小河此河環遼州郭以導大江

近年壅塞舟楫不通是時疏之頗爲民便運漕商賈

之利復如曩歲

後唐

莊宗同光二年勅自黎陽開河以通漕運

按五代史莊宗本紀不載 按開府元龜同光二年

三月勅鄆州差兵二千自黎陽開河以通漕運

同光三年勅租庸司下諸州有能出力運官物到京

者遷授官職有差

按五代史莊宗本紀不載 按文獻通考三年吏部

尚書李琪奏請勅下諸道合差百姓轉般之數有能

出力運官物到京者五百石以上白身授一階初任

州縣官有官者依資次遷授欠選者便與放選千石

以上至萬石者不拘文武顯是賞賚免令方春農人

流散此亦轉倉贍軍之一術也勅租庸司下諸州有

應募者聞奏施行

明宗天成元年詔租庸司虜借私船並仰付本主

按五代史明宗本紀不載 按開府元龜天成元年

四月制曰先緣漕運京師租庸司虜借私船今既分

兵就食停淤漕運其諸河渡私船並仰却付本主如

有滯留許本主論告

天成二年修魏門倉以貯轉運斛計預運洛中軍糧

裁減汴州搬運

按五代史明宗本紀不載 按開府元龜二年九月

洋州修魏門倉一百間充貯轉運下峽斛計十一月

壬子三司使張延朗奏於洛中預備一二年軍糧除

水運外深冬百姓稍閒請差運糧一轉帝然之延朗

又奏勅諸道船糧百石以實京師十二月車駕在汴

時論以運糧百萬勞民稍甚近臣奏之帝只命東地

數州搬十萬石至汴州仍促諸軍搬取家口

天成三年夏侯晤請禁諸道轉運輕齎者

按五代史明宗本紀不載 按開府元龜三年二月

車駕在汴司勳員外郎夏侯晤上言曰諸道轉運此

要實輦下軍儲今聞多是輕齎却至京中糴納諸下

令禁止

長興元年開修唐倉湖田路通鳳翔饋運

按五代史明宗本紀不載 按開府元龜長興元年

十月鳳州奏開修唐倉湖田路通鳳翔饋運

長興二年勅沿河船糧每石銷破二勝

按五代史明宗本紀不載 按開府元龜二年閏五

月三日勅應緣沿河船糧依北面轉運司船搬倉例

每一石於數內與正銷破二勝

長興三年開東南河路以通漕運

按五代史明宗本紀不載 按開府元龜三年二月

幽州奏重開府東南河路一百五十里闊九十步以

通漕運五月幽州進呈新開東南河路圖自王馬口

至淤口長一百六十五里闊六十五步深一丈二尺

可勝漕船千石

長興四年差諸軍僦人於洛河北岸鑿灣引運船直

至倉門

按五代史明宗本紀不載 按開府元龜四年二月

三司使奏河水運自洛口至京往年牽船下卸皆是

水運牙官每人管定四十石今洛岸至倉門稍遠牙

官轉運艱難近日例多逃走欲於洛河北岸別鑿一

灣引船直至倉門下卸其功役欲於諸軍僦人內差

借從之

後晉

高祖天福六年楚馬希範討襄州仍漕米饋軍

按五代史高祖本紀不載 按十國春秋楚文昭王世家天福六年十二月晉以高行周知襄州行府事詔王出師討襄州王遣天策都軍使張少敵以舟兵趣漢陽仍漕米五萬斛以饋軍

後漢

高祖乾祐三年疏渠以增蔡水漕運

按五代史高祖本紀不載 按開府元龜乾祐三年遣前棣州刺史周景殷河陰淘汴汴口又令鄭州疏引郭西水入中牟渠以增蔡水漕運 李欽明爲司勳員外郎是年欽明言臣伏以百姓轉食饋運舟車之利苦樂相懸臣竊見蔡水嘗有漕運多是括借舟船破溺者棄在水邊不許修葺又不給付以臣愚見乞容陳許蔡三州人戶制造舟船不用括取以備差雇水路可至合流鎮及陳州蔡水未及水匱十數里水小岸狹或時乾淺臣伏請開決汴水取定力禪院西一半并港穿大城向南至對門可費三五千工自水匱蔡水路纔五六里水勢便於開決陳蔡漕運必倍常年私下往來更豐財貨此之利便實益轉輸

後周

世宗顯德二年詔今後水運每石宜與耗一斗其均鄧兩州饋軍船並停廢

按五代史世宗本紀不載 按開府元龜顯德二年正月上謂侍臣曰轉輸之物向來皆給斗耗自晉漢以來不與支破倉廩所納新物尚破省耗况水路所般豈無所損起今後每石宜與耗一斗二月癸亥世宗曰今州戍兵舊制沿江發運務差均鄧兩州人戶自備舟船水運糧鹽供饋軍食近聞彼民頗甚勞弊

及令有司按本州稅積所納常賦可以歲給軍儲其水運舟船並宜停廢 顯德四年詔疏汴水

按五代史世宗本紀不載 按開府元龜四年四月詔疏汴水一派北入於五丈河又東北達於齊魯之舟楫皆至京師

顯德六年命韓令坤袁彥疏浚汴水及五丈河以通漕運

按五代史世宗本紀不載 按開府元龜六年二月命侍衛軍馬都指揮使韓令坤自京都疏汴水入於蔡河侍衛步軍都指揮使袁彥浚五丈河以通漕運

遼

聖宗太平九年王嘉請造海船漕粟餉燕尋寢

按遼史聖宗本紀太平九年八月己丑東京舍利軍詳穩大延琳殺戶部副使王嘉初燕仍歲大饑戶部副使王嘉獻計造船使其民詣海事者漕粟以賑燕民水路艱險多至覆沒雖言不信輒楚撈掠民怨思亂故延琳乘之首殺嘉以快其衆 按食貨志九年燕地饑戶部副使王嘉請造船募習海漕者移遼東粟餉燕議者稱道險不便而寢 天祚帝保大五年梁王卽位定人戶所償侵耗運粟之直

按遼史天祚帝本紀保大五年上以疾終第二子雅里立初令募牧運鹽澁倉粟而民盜之議籍以償雅里乃自爲直每粟一車償一羊三車一牛五車一馬八車一駝左右曰今一羊易粟二斗且不可得乃償一車雅里曰民有則我有若令盡償民何堪 按食

貨志天慶間金兵大入盡爲所有會天祚播遷耶律敵烈等逼立梁王雅里令募牧人戶運鹽澁倉粟人戶侵耗議籍其產以償雅里自定其直粟一車一羊三車一牛五車一馬八車一駝從者曰今一羊易粟二斗尚不可得此直太輕雅里曰民有則我有若令盡償衆何以堪事雖無及然使天未絕遼斯言亦足以收人心矣

宋一

宋設制置發運司以督諸路糧運

按玉海發運一司其制始於淳化而備於皇祐之後權六路糧運一司其制始於淳化而備於皇祐之後權六路糧運一員在泗州趣自眞州至京糧運造船之法六路之船以供江外之綱淮南之船以供入汴之綱常六千隻一舟之運歲常千石人船之力有餘不勞而辦祖宗設制置發運司蓋始於王朴之議朝廷損數百萬緡以爲糶本使總六路之計通融移用與三司爲表裏以給中都六路豐凶不常稔則增糶以充漕計饑則罷糶使輸折斛錢上下俱寬而京師不乏轉般之法始於唐裴耀卿成於劉晏國朝舊制江湖運舟至儀眞入轉般倉復載鹽以歸又以運舟自儀眞漕河由汴達於都邑六路八十四州漕京師凡六百萬石自仁宗朝至崇寧初發運司常有六百餘萬石米百餘萬緡之蓄眞酒二倉常有數千石之儲自胡師文以糶本爲羨餘以獻而轉般無一年之儲崇寧三年七月己亥會孝廣立直達之法雖湖南湖北亦直至京師因毀淮南轉般倉旣行直達而鹽法隨變大倉積粟充溢增置延豐倉於外發運使以應奉充

職自錢鹽之法行課歸權務諸路無所得漕計日以不給上下俱受其弊轉般與鹽法相因鹽法既變回舟無所得舟人逃散船必隨壞大觀三年十月詔復行轉般而終不克宣和六年十一月詔盧宗原興復轉般會鞏曰宋興承周制置集津之運轉關中之粟以給大梁用侯贊典其任及收東南之地與國初始漕江淮四五百萬石至汴至道間楊允恭漕六百萬石自此歲增廣焉

太祖 年令秦義督廣濟漕船

按宋史太祖本紀不載 按秦義傳義父承裕建州監軍使知州事李煜之歸朝也承裕遺義詣闕上符印太祖召見悅其趨對詳謹補殿直令督廣濟漕船建隆 年詔諸州稅租上供物帛皆官給舟車輪送京師

按宋史太祖本紀不載 按食貨志宋都大梁有四河以通漕運曰汴河曰黃河曰惠民河曰廣濟河而汴河所漕為多太祖起兵間有天下懲唐季五代藩鎮之禍蓄兵京師以成疆幹弱支之勢故於兵食為重建隆以來首浚三河令自今諸州歲受稅租及筭榷貨利上供物帛悉官給舟車輪送京師

建隆二年浚五丈河以通東北漕運以盧浚為京東發運副使

按宋史太祖本紀建隆二年二月壬申疏五丈河按河渠志廣濟河導汴水自開封歷陳留曹濟鄆其廣五丈歲漕上供米六十二萬石太祖建隆二年正月遣使往定陶規度發曹單丁夫數萬浚之三月幸新水門觀放水入河先是五丈河泥淤不利行舟遂

詔左監門衛將軍陳承昭於京城之西夾汴水造千門引京索蔡河水通城濠入斗門俾架流汴水之上東進於五丈河以便東北漕運公私咸利 按陳承昭傳承昭授右領軍衛上將軍分司西京宋初入朝太祖以承昭習知水利督治惠民五丈二河以通漕運都人利之建隆二年河成賜錢三十萬 按田仁朗傳仁朗以父任西頭供奉官太祖即位從討李重進攻城有功還與右神武統軍陳承昭浚五丈河以通漕運

按玉海建隆二年九月癸酉以盧浚為京畿東路發運副使

按曹州志五丈渠在州東南四十里宋太祖建隆二年浚渠以通東方漕運

乾德元年以沈義倫韓彥卿為諸道轉運使又東疏汴河轉漕兵餉

按宋史太祖本紀不載 按玉海乾德元年以沈義倫為京西轉運使韓彥卿為淮南轉運使諸道置轉運始見此

按魚臺縣志元年東疏汴河轉漕兵餉於定陶故地置發運務開寶九年改轉運司

乾德二年二月以何幼冲充京畿東南水陸發運使按宋史太祖本紀不載 按玉海云云

乾德三年命陳承昭鑿渠通漕

按宋史太祖本紀不載 按河渠志三年二月令陳承昭率丁夫數千鑿渠自長社引潁水至京師合閘水潁水本出密縣大隗山歷許田會春夏霖雨則泛溢民田至是渠成無水患閘河益通漕焉

乾德六年詔諸州輦送上供物悉官給車舟不得擾民 按宋史太祖本紀不載 按文獻通考六年令諸州輦送上供錢帛悉官給車乘當水運者官為具舟不得調發居民以妨農作 初荆湖江浙淮南諸州擇部民之高資者部送上供物民質不能檢御舟人舟人侵盜官物民破產以償乃詔遣牙將部送勿復擾民

開寶 年鑿橫江渠以通漕運

按宋史太祖本紀不載 按河渠志開寶間議征江南詔用京西轉運使李符之策發和州丁夫及鄉兵凡數萬人鑿橫江渠於歷陽令符督其役渠成以通漕運而軍用無闕 按李符傳符遷起居郎後荆湖轉運許仲宣隨軍討南唐詔符赴荆湖調發芻糧符領船數千艘順流而下事畢賜金紫符又建議鑿橫江河以通漕運發和州三縣丁壯給其役

開寶五年汴蔡兩河運江淮米給兵食 按宋史太祖本紀不載 按食貨志開寶五年率汴蔡兩河公私船運江淮米數十萬石以給兵食是時京師歲費有限漕事尚簡 按陳從信傳從信累官右知客押衙開寶三年秋三司言倉儲月給止及明年二月請分屯諸軍盡率民船以資江淮漕運太祖大怒責之曰國無九年之蓄曰不足爾不素計而使倉儲垂盡乃請屯兵括民船以運是可卒致乎今設汝安用苟有所闕當罪汝以謝衆三司使楚昭輔懼

謂太宗求寬釋使得盡力太宗既許召從信問之對曰從信嘗遊楚泗知糧運之患良以舟人之食日歷

郡縣勘給是以凝滯若自發舟計日往復併支可以責其程限又楚泗運米於舟至京復輦入倉宜宿備運卒令即時出納如此每運可減數十日楚泗至京千里舊八十日一運一歲三運若去淹留之虛日則歲可增一運焉今三司欲藉民舟若不許則無以責辦許之則冬中京師薪炭殆絕矣不若真舟之堅者漕糧其損敗者任載薪炭則公私俱濟今市米騰貴官價斗錢七十賈者失利無敢致於京師雖居商厚儲亦匿而不糶是以米益貴民將餓殍若聽民自便即四方奔湊米多而價自賤矣太宗明日具奏太祖可之其事果集焉

開寶九年鑿渠以便饋運

按宋史太祖本紀不載 按河渠志九年詔發卒五千自洛城菜市橋鑿渠抵漕口三十五里饋運便之太宗 年漕米數百萬給京師廉得倉吏受賂為姦斬之

按宋史太宗本紀不載 按文獻通考自江南東歲漕米數百萬給京師太宗恐倉吏給受不平遣皇城卒變服偵邏廉得未豐倉持量者八輩受賂為姦悉斬之監倉免官治罪

太平興國 年盧之翰議導潁河以便漕運 按宋史太宗本紀不載 按盧之翰傳太平興國中

之翰為河東轉運副使徙京西轉運副使改工部員外郎建議導潁河合於淮達許州以便漕運以勞加戶部員外郎

太平興國三年開襄漢漕渠置轉運判官 按宋史太宗本紀三年春正月戊戌開襄漢漕渠

成而水不上卒廢夏四月乙亥置諸道轉運判官 按河渠志三年正月西京轉運使程能獻議請自南陽下向口置堰廻水入石塘沙河合蔡河達於京師以通湘潭之漕詔發唐鄧汝穎許蔡陳鄭丁夫及諸州凡數萬人以弓箭庫使王文寶六宅使李繼隆內作坊副使李神祐劉承珪等護其役塹山陘合歷博望羅渠少柘山凡百餘里月餘抵方城地勢高水不能至能獻復多役人以致水然不可通漕運會山水暴漲石堰壞河不克就卒陘廢焉 按王文寶傳太平興國初文寶領鄆州刺史二年京西轉運使程能

議開新河自襄漢至京師引白河水注焉以通湘潭之漕詔發唐鄧汝穎許蔡陳鄭丁夫數萬赴其役發諸州兵萬人助之命文寶與六宅使李繼隆作坊副使李神祐劉承珪分往護作

太平興國五年命姚沆為陝西三門發運使 按宋史太宗本紀不載 按玉海云云

太平興國六年疏導諸河以通關南之漕計運江淮米菽五百五十萬石

按宋史太宗本紀不載 按河渠志河北諸水有通轉餉者有為方田限遠人者太宗太平興國六年正月遣八作使郝守濬分行河道抵於遼境者皆疏導之又於清苑界開徐河離距河五十里入白河自是關南之漕悉通濟焉 按食貨志先是四河所運未有定制太平興國六年汴河歲運江淮米三百萬石菽一百萬石黃河粟五十萬石菽三十萬石惠民河粟四十萬石菽二十萬石廣濟河粟十二萬石凡五百五十萬石非水旱鑷放民租未嘗不及其數

太平興國七年以汴漕壅滯詔別置水陸發運兩司以王賓等掌其事 按宋史太宗本紀不載 按王賓傳太平興國五年車駕北巡賓副王仁瞻為大內都部署七年改洛苑使會汴漕壅滯軍食不給詔別置水陸發運兩司以賓有心計會領廣州刺史與儒州刺史許昌裔同掌其事凡四年儲積增羨號為稱職俄改右神武將軍以度支使張遜薦命賓護黎陽軍兼領黃河兩河發運事

太平興國八年詔擇強幹吏分掌水陸發運 按宋史太宗本紀八年九月癸丑朔初置水陸路發運於京師 按食貨志太平興國初兩浙既獻地歲運米四百萬石所在雇民挽舟吏並緣為姦運舟或附載錢帛雜物輸京師又同綱轉輸外州主藏吏給納邀滯於是擅貿易官物者有之八年乃擇強幹之臣在京分掌水陸路發運事凡一綱計其舟車役人之直給付主綱吏雇募舟車到發財貨出納並關報而催督之自是調發邀滯之弊遂革初荆湖江浙淮南諸州擇部民高貴者部送上供物民多質魯不能檢御舟人舟人侵盜官物民破產不能償乃詔牙吏部送勿復擾民大通監輪鐵尚方鑄兵器鍛鍊用之十裁得四五廣南貢藤去其蠹者斤僅得三兩遂令鐵就冶郎萍治之藤取堪用者無使負重致遠以勞民力汴河挽舟卒多饑凍太宗令中黃門求得百許人藍縷枯瘠詢其故乃主糧吏率取其口食帝怒捕鞫得實斷腕徇河上三日而後斬之押運者杖配商

州

雍熙二年斬汴河主糧胥吏

按宋史太宗本紀雍熙二年冬十月己酉汴河主糧胥吏坐奪漕軍口糧斷腕徇於河畔三日斬之

雍熙 年楚州開河通運

按宋史太宗本紀不載 按河渠志初楚州北山陽

灣九迅急多有沈溺之患雍熙中轉運使劉蟠議開沙河以避淮水之險未克而受代喬維岳繼之開河

自楚州至淮陰凡六十里舟行便之 按喬維岳傳

維岳爲淮南轉運使淮河西流三十里曰山陽潯水勢湍悍運舟多覆溺維岳規度開故沙河自末口

至淮陰磨盤口凡四十里又建安北至淮陰總五堰

運舟所至十經上下其重載者皆卸糧而過舟時壞失糧綱卒緣此爲姦潛有侵盜維岳始命棚二斗門

於西河第三堰二門相距踰五十步覆以厦屋設縣

門積水俟潮平乃泄之建橫橋岸上築土累石以牢其址自是弊盡革而運舟往來無滯矣

雍熙四年併水陸運爲一司定主綱吏卒盜官物之罪

按宋史太宗本紀四年夏四月丁未併水陸發運爲一司 按食貨志四年併水陸路發運爲一司主綱

吏卒盜用官物及用水土雜糅官米故毀敗舟船致沉溺者棄市募告者厚賞之因灘積風水所敗以收

救分數差定其罪 按王繼昇傳四年以諸道水陸發運併爲一司命繼昇與刑部員外郎董儼同掌其

事號爲稱職 按董儼傳儼爲右補闕俄復直史館會併水陸發運爲一儼與王繼昇同領其事

按燕翼貽謀錄皇朝初下江南置水陸路發運二

使運江南之粟以贍京師其後以陸路不便悉從水路雍熙四年四月己亥詔合水路陸路發運爲一路以王繼昇主之董儼爲同掌自此迄于宣和不改端拱元年治荆南漕河罷京城水陸發運以每歲所給命官吏分界掌之

按宋史太宗本紀不載 按河渠志端拱元年供奉官閻門祇候閻文遠苗忠俱上言開荆南城東漕河

至師子口入漢江可通荆峽漕路至襄州又開古白河可通襄漢漕路至京詔八人使石全振往視之遂

發丁夫治荆南漕河至漢江可勝二百斛重載行旅者頗便而古白河終不可開 按食貨志元年罷京城水陸發運以其事分隸排岸司及下卸司

按文獻通考元年徐休復上言京師內外凡大小二十五倉官吏四百二人計每歲所給不下四百萬石

望自今米麥菽各以一百萬石爲一界每界命常參官供奉官殿值各一人專知副知各二人凡七人共掌之詔可

端拱二年以米價至賤議軍十月給錢三百

按宋史太宗本紀不載 按文獻通考二年國子博士李覺上言曰晁錯云欲民務農在於貴粟蓋不可

使至賤亦不可使至貴今王都萬衆所聚導河渠達淮海貫江湖歲運五百萬斛以資國費此朝廷之盛

臣庶之福也近來都下粟麥至賤倉廩充牣紅腐相因或以充賞給斗直數十錢此工賈之利而軍農之

不利也夫軍士妻子不過數口而月給糧數斛即其費有餘矣百萬之衆所餘既多游手之民資以給食

農夫之粟何所求售况糧之來也至遠至艱官之給

也至輕至豐歲豐儉不可預期倘不幸有水旱之虞卒然有邊境之急何以救之今運米一斛至京師其費不啻三百錢諸軍舊日給米二升今若月賦錢三百人必樂焉是一斗爲錢五十計江淮運米工脚亦

不減此數望明勅軍中各從其便願受錢者若市價官米斗爲錢二十即增給十錢裁足以當工脚之費而官私獲利數月之內米價必增農民受賜矣若米價騰踊即官復給糧軍人糶其所餘亦獲善價此又戎士受賜矣不十年官有餘糧江外之運亦漸可省上覽奏嘉之

淳化二年詔塞汴水開新河導胡盧河以利轉漕

按宋史太宗本紀淳化二年六月乙酉以汴水決浚儀縣帝親督衛士塞之 按河渠志二年六月汴水

決浚儀縣帝乘步輦出乾元門宰相樞密迎謁帝曰東京養甲兵數十萬居人百萬家天下轉漕仰給在

此一渠水朕安得不顧車駕入汴渚中行百餘步從臣震恐殿前都指揮使戴興叩頭懇請同返遂捧輦

出汴渚中詔與督步卒數千塞之 又按志二年河北轉運使請自深州新砦鎮開新河導胡盧河分爲

一派凡二百里抵常山以通漕運胡盧河源於西山始自冀州新河鎮入深州武強縣與滹沱河合流其

後變徙入大河

淳化四年以楊允恭爲淮南兩浙都大發運使籍三路舟令遞運京師

按宋史太宗本紀不載 按楊允恭傳允恭爲江淮兩浙都大發運筆畫茶鹽捕賊事先是三路轉運使

各領其職或虞庾多積而軍士舟楫不給雖以官錢

第六八九冊 之三

雇丁男挽舟而土人憚其役以是歲上供米不過三百萬九恭盡籍三路舟卒與所運物數令諸州擇牙吏悉集允恭乃辦數授之江浙所運止於淮泗淮泗輸京師行之一歲上供者六百萬

至道元年以汴河歲運江淮米五七百萬斛令參知政事張洎講求疏鑿之由

按宋史太宗本紀不載 按河渠志至道元年九月帝以汴河歲運江淮米五七百萬斛以濟京師問侍臣汴水疏鑿之由令參知政事張洎講求其事以聞其言曰禹導河自積石至龍門南至華陰東至砥柱又東至於孟津東過洛汭至於大伾即今成皋是也或云黎陽山也禹以大河流泛中國為害最甚乃於貝丘疏二渠以分水勢一渠自舞陽縣東引入潞水其水東北流至千乘縣入海即今黃河是也一渠疏畎引傍西山以東北形高敞壞堤水勢不便流溢夾右碣石入於渤海書所謂北過降水至於大陸降水即濁漳大陸則邢州鉅鹿澤播為九河同為逆河入於海河自魏郡貴鄉縣界分為九道下至滄州今為一河言逆河者謂與河水往復相承受也齊桓公塞以廣田居唯一河存焉今其東界至莽梧河是也禹又於榮澤下分大河為陰溝引注東南以通淮泗至大梁浚儀縣西北復分為二渠一渠元經陽武縣中牟臺下為官渡水一渠始皇疏鑿以灌魏郡謂之鴻溝黃若渠自滎陽五出池口來注之其鴻溝即出河之溝亦曰黃若渠漢明帝時樂浪人王景謂者王吳始作浚儀渠蓋循河溝故蹟也渠成流注浚儀故以浚儀縣為名靈帝建寧四年於敖城西北壘石為門

以遏渠口故世謂之石門渠外東合濟水濟與河渠渾濤東注至敖山北渠水至此又兼鄭之水即春秋晉楚戰於鄭鄭又音汲即汴字古人避反字改從汴字渠水又東經滎陽北旃然水自縣東流入汴水鄭州滎陽縣西二十里三皇山上有二廣武城二城相去百餘步汴水自兩城間小澗中東流而出而濟流自茲乃絕唯汴渠首受旃然水謂之鴻渠東晉大和中桓溫北伐前燕將通之不果義熙十三年劉裕西征姚秦復浚此渠始有湍流奔注而岸善潰塞裕更疏鑿而漕運焉隋煬帝大業三年詔尚書左丞相皇甫誼發河南男女百萬開汴水起滎澤入淮千餘里乃為通濟渠又發淮南兵夫十餘萬開邗溝自山陽淮至於揚子江三百餘里水面闊四十步而後行幸焉自後天下利於轉輸昔孝文時賈誼言漢以江淮為奉地謂魚鹽穀帛多出東南至五鳳中耿壽昌奏故事歲增關東穀四百萬斛以給京師亦多自此渠漕運唐初改通濟渠為廣濟渠開元中黃門侍郎平章事裴耀卿言江淮租船自長淮西北汴鴻溝轉相輪納於河陰舍嘉太原等倉凡三年運米七百萬石實利涉於此開元末河南採訪使汴州刺史齊幹以江淮漕運經淮水波濤有沈損遂浚廣濟渠下流自泗州虹縣至楚州淮陰縣北八十里合於淮踰時畢功既而水流迅急行旅艱險尋乃廢停却由舊河德宗朝歲漕運江淮米四十萬石以益關中時叛將李正己田悅皆分軍守徐州臨渦口梁崇義阻兵襄鄧南北漕引皆絕於是水陸運使杜佑請改漕路自浚儀西十里疏其南涯引流入琵琶溝經蔡河至陳州

合潁水自秦漢故道以官漕久不由此故填淤不通若畎流培岸則功用甚寡又廬壽之間有水道而平岡互其中曰雞鳴山佑請疏其兩端皆可通舟其間登陸四十里而已則江湖黔嶺蜀漢之粟可方舟而下由是白沙趨東關經廬壽浮賴步蔡歷琵琶溝入汴河不復經沂淮之險徑於舊路二千里功寡利博朝議將行而徐州順命淮路乃通至國家膺圖受命以大梁四方所湊天下之樞可以臨制四海故上京邑而定都矣高帝云吾以羽檄召天下兵未至教文又云吾初即位不欲出虎符名郡國兵即知兵甲在外也隋有南北軍期門郎羽林孤兒以備天子扈從藩衛之用唐承隋制置十二衛府兵皆農夫也及罷府兵始置神武神策為禁軍不過三數萬人亦以備扈從藩衛而已故祿山犯關驅市人而戰德宗蒙塵扈駕四百餘騎兵甲皆在郡國額軍存而可舉者除河朔三鎮外太原青社各十萬人邠寧宣武各六萬人路徐荆揚各五萬人襄宣壽鎮海各二萬人自餘觀察團練據要害之地者不下萬人今天下甲卒數十萬衆戰馬數十萬匹並萃京師悉集七亡國之士民於輦下比漢唐京邑民庶十倍旬服時有水旱不至艱歉者有惠民金水五丈汴水等四渠派引脈分咸會天邑舳舻相接贍給公私所以無匱乏唯汴水橫亘中國首承大河漕引江湖利盡南海半天下之財賦并山澤之百貨悉由此路而進然則禹力疏鑿以分水勢煬帝開明以奉巡遊雖數湮廢而通流不絕於百代之下終為國家之用者其上天之意乎至道二年議開白溝以通長淮之漕

按宋史太宗本紀不載 按河渠志二年三月內殿崇班閻光澤國子博士邢用之上言請開白溝自京師抵彭城呂梁口凡六百里以通長淮之漕詔發諸州丁夫數萬治之以光澤護其役議者非之會宋州通判王矩上表極陳其不可且言用之田園在襄邑歲苦水潦私幸渠成遂罷其役

真宗 年謝濤奏留曹州漕糧蘇廣濟河饋京師

按宋史真宗本紀不載 按謝絳傳絳父濤真宗時以濤知曹州屬縣賦稅多輪難陽助兵食是歲蘇廣濟百姓苦於轉送濤悉留不遺奏曰江淮漕運日過難陽可取以餉軍願留曹賦蘇廣濟河以饋京師轉運使論以爲不可詔從濤奏

咸平四年調遣諸路運使又以河朔餽運勞民詔減徭役

按宋史真宗本紀咸平四年三月辛巳分川峽轉運使爲益利梓夔四路秋七月庚午以河朔餽運勞民詔轉運使減徭役存恤十二月丁卯詔罷三路都部署兼河北轉運使

按玉海四年以淮南轉運王子與兼都大發運使自後並以轉運領其務而無使名

咸平五年開渠置水陸營田以達糧漕

按宋史真宗本紀不載 按河渠志五年順安軍兵馬都監馬濟復請自靜戎軍東擁鮑河開渠入順安軍又自順安軍之西引入威虜軍置水陸營田於渠側濟等言役成可以達糧漕隔遼騎帝許之

景德元年春正月開定州河通漕

按宋史真宗本紀云云 按河渠志景德元年北面都鈐轄閻承翰自嘉山東引唐河三十二里至定州醴而爲渠直蒲陰縣東六十二里會沙河徑邊吳泊遂入於界河以達方舟之漕 按宦者傳閻承翰爲西京作坊使內侍左班副都知咸平五年入內都知韓守英爲鎮定高陽關三路排陣都鈐轄上以承翰代守英時中山屯兵甚衆艱於飛輓承翰請鑿渠計引唐河水自嘉山至定州三十二里又至蒲陰東六十二里合沙河經邊吳泊入界河以濟饋運亦可旁爲方田上嘉而從之渠成人以爲便優詔褒之

景德三年以京東分廣濟河漕路水勢淺險非可漕運罷之以李溥爲發運使增江淮漕米至六百石又丁謂立比較轉運法

按宋史真宗本紀不載 按河渠志三年內侍趙守倫建議自京東分廣濟河由定陶至徐州入清河以達江湖漕路役既成遣使覆視繪圖來上帝以地有隆阜而水勢極淺雖置堰埭又歷呂梁難積之險非可漕運罷之 按李溥傳溥爲發運副使遷爲使江淮歲運米輸京師舊止五百餘萬斛至溥乃增至六百萬而諸路猶有餘畜高郵軍新開湖水散漫多風濤漕令漕舟東下者還過泗州因載石輪湖中積爲長隄自是舟行無患

按玉海三年除李溥發運副使 又按玉海三年十二月三司使丁謂始立比較轉運之法 又按玉海三年江淮漕米增至六百萬

景德四年定汴河歲額六百萬石

按宋史真宗本紀不載 按食貨志先是諸河漕數

歲久益增景德四年定汴河歲額六百萬石

大中祥符 年汴河發運以七百萬石爲額

按宋史真宗本紀不載 按食貨志至道初汴河運米五百八十萬石大中祥符初至七百萬石江南淮南兩浙荆湖路租糴於真揚楚泗州置倉受納分調舟船汴流入汴以達京師置發運使領之諸州錢帛雜物軍器上供亦如之陝西諸州菽粟自黃河三門沿流入汴以達京師亦置發運司領之粟帛自廣濟河而至京師者京東之十七州由石塘惠民河而至京師者陳穎許蔡光壽六州皆有京朝官廷臣督之河北衛州東北有御河達乾寧軍其運物亦廷臣主之廣南金銀香藥犀象百貨陸運至虔州而後水運川益諸州金帛及租市之布自劍門列傳置分輦負擔至嘉州水運達荆南自荆南遣綱吏運送京師

大中祥符二年李溥請損歲運江淮粟上供之數復浚汴口以利漕漕運停江淮運糧役兩月

按宋史真宗本紀大中祥符二年九月甲子浚汴口

冬十月戊子詔江浙運糧兵卒經冬停役兩月 按河渠志二年八月汴水漲溢自京至鄭州浸道路詔選使乘傳減汴口水勢既而水減阻滯漕運復遣浚汴口

按玉海二年四月壬辰江淮發運李溥言江淮廩粟除留州約支三年外當上供者凡一千三百餘萬石每歲水運止五百萬今歲及七百萬望少損其數

大中祥符三年九月己亥江淮發運李溥言今春運米六百七十九萬石諸路留三年之儲

按宋史真宗本紀不載 按玉海云云

第六八九冊 之〇四葉

大中祥符九年穿渠以漕京師置壩以通舟運

按宋史眞宗本紀不載 按河渠志九年知許州石普請於大流堰穿渠置二斗門引沙河以漕京師遣使按視四月詔遣中使至惠民河規畫置壩子以通舟運 按石普傳普拜河西軍節度使知河陽徙許州築大流堰引河通漕京師

天禧二年開揚州古河迎運

按宋史眞宗本紀不載 按河渠志二年江淮發運使賈宗言諸路歲漕自眞揚入淮汴歷堰者五糧載煩於剝卸民力罷於牽挽官私船艦由此速壞今議開揚州古河繚城南接運渠毀龍舟新興茭莢三堰鑿近堰漕路以均水勢歲省官費十數萬功利甚厚詔屯田郎中梁楚閤門祇候李居中按視以爲當然明年役既成而水注新河與三堰平漕船無阻公私大便

天禧 年定水陸運金帛緡錢香藥之額減造運艘四百餘

按宋史眞宗本紀不載 按食貨志咸平中定歲運六十六萬疋分爲十綱天禧末水陸運上供金帛緡錢二十三萬一千餘貫兩端足珠寶香藥二十七萬五千餘斤諸州歲造運船至道末三千二百三十七艘天禧末減四百二十一

按會要天禧末諸州軍水運陸運上供金帛緡錢十三萬一千餘珠寶香藥三十七萬五千斤河北衛州東北有御河至乾寧軍運軍食饒邊亦有使臣主之川益諸州布自嘉州水運至荊南遣綱送京師歲六十六萬分十綱江湖浙建茶亦水運送沿江權務

仁宗天聖二年田承說獻議開減水河通漕

按宋史仁宗本紀不載 按河渠志天聖二年二月崇儀副使巡護惠民河田承說獻議重修許州合流鎮大河堰斗門剗開減水河通漕省迺路五百里詔遣使按視以聞

天聖四年立江淮荆湖漕米歲額

按宋史仁宗本紀四年閏五月戊申減江淮歲漕米五十萬石 按食貨志四年荆湖江淮州縣和糴上供小民闕食自五年後權減五十萬石

按文獻通考天聖中發運使請所部六路計民稅一石量糴粟二斗五升歲可更得二百萬石給京師仁宗曰常賦外增糴是重擾民不許時江南穀貴民貧尚書員外郎吳耀卿以爲言詔歲減五十萬後是三司奏復增至六百萬然東南災歉輒減歲漕數或百萬或數十萬又轉移以給他路者時有焉

按玉海四年臣僚吳耀卿言咸平景德中歲漕江淮米不過四百五十萬石近年增至六百五十萬請約舊數立爲中制閏五月戊申詔歲課六百萬石

一本云歲以五百五十萬爲額 沈括曰發運司歲六百萬石淮南一百三十萬江東一百萬江西一百二十萬湖南六十五萬湖北三十五萬兩浙一百五十萬通餘羨入六百二十萬

景祐元年冬十月庚申罷淮南江浙荆湖制置發運使詔淮南轉運兼發運事

按宋史仁宗本紀云云 寶元元年復諸路制置發運使賈昌朝計歲運上供之數

按宋史仁宗本紀寶元元年八月丁卯復淮南江浙荆湖制置發運使

按玉海元年賈昌朝言臣嘗掌京庫計江淮歲運糧六百餘萬以一歲之入僅能充朝廷之用三分二在軍旅一在冗食

東南六路汴河歲漕六百萬石浮江淮淮更數千里計其費率數石而致一石

寶元二年夏四月壬申免昭州運糧死蠻寇者家徭 按宋史仁宗本紀云云

慶曆三年以江淮歲漕不給悉發潁江州縣糧至京師

按宋史仁宗本紀不載 按許元傳元累遷國子博士監在京權貨務三門發運判官慶曆中江淮歲漕不給京師之軍儲參知政事范仲淹薦元可獨倚辦擢江淮制置發運判官至則悉發潁江州縣藏粟所在留三月食遠近以次相補引千餘艘轉漕而西未幾京師足食朝廷以爲任職就遷副使 按玉海條慶曆三年

慶曆四年三月辛未省廣濟河歲漕軍儲二十萬石 按宋史仁宗本紀云云 按食貨志慶曆中又減廣濟河二十萬石後黃河歲漕益減耗纔運救三十萬石

皇祐 年詔諸路增船載米輪轉般倉以兩制統六路年額上供米赴闕及南京等處

按宋史仁宗本紀不載 按食貨志江湖上供米舊轉運使以本路綱輸眞楚泗州轉般倉載鹽以歸舟還其郡卒還其家汴州詣轉般倉運米輸京師歲招運者四河冬涸舟卒亦還營至春復集名曰放凍卒

得番休逃亡者少汴船不涉江路無風波沈溺之患後發運使權益重六路上供米團綱發船不復委本路獨專其任文移全併事目繁夥不能檢察操舟者昧諸吏得詣富饒郡市賤買貴以趨京師自是汴舟之舟混轉無辨挽舟卒有終身不還其家老死河路者籍多空名漕事大弊皇祐中發運使許元奏近歲諸路因循糧綱法壞遂令汴綱至冬出江爲他路轉漕兵不得息宜勅諸路增船載米輪轉般倉充歲計如故事於是牟利者多以元說爲然詔如元奏久之諸路綱不集嘉祐三年下詔切責有司以格詔不行及發運使不能總綱條轉運使不能幹歲入預勅江淮兩浙轉運司期以基年各造船補卒團本路綱按文獻通考宋東京之制受四方之運者謂之船般倉曰末豐通濟萬盈廣衍延豐順成濟遠富國凡十倉皆受江淮所運謂之東河亦謂之裏河曰末濟末富二倉受懷孟等州所運謂之西河曰廣濟第一受潁壽等州所運謂之南河亦謂之外河曰廣積廣儲二倉受曹濮等州所運謂之北河受京畿之租者謂之稅倉曰廣濟受京東諸縣廣積第一左右驤驎天駟監凡三倉受京北諸縣左天廐坊倉受京西諸縣大盈佑天廐二倉受京南諸縣受商人入中者謂之折中倉有裏河外河二名又有茶庫倉或空則兼受船般斛斗草場則汴河南北各三所驤驎左右天廐坊天駟監各一所以受京畿租賦及和市所入諸州皆有正倉草場受租稅和糴和市芻粟並據曹主之其多積之處亦別遣官專掌凡漕運所會則有轉般倉

按墨莊漫錄皇祐元年施昌言以天章閣待制充使自後多除兩制統六路年額上供米六百二十萬石內四百八十五萬石赴關一百三十五萬石南京畿送納淮南一百五十萬石赴關二十萬石咸平尉氏五萬石大康江南東路九十九萬一千一百石七十四萬五千一百石赴關二十四萬五千石赴拱州江南西路一百二十萬八千九百石一百萬八千九百石赴關二十萬石赴南京湖南六十五萬石盡赴關湖北三十五萬石盡赴關兩浙一百五十五萬石八十四萬五千石赴關四十萬三千三百五十二石陳留二十五萬一千六百四十八石雍丘

日以塞今仰而望焉是利尺寸而喪丘山也乃畫上十四策富弼讀其奏漏盡十刻帝稱善弼曰此國計大本非常奏也悉如其說行之按玉海嘉祐元年八月癸亥以張方平爲三司使既對畫漕運十四策上供斛斗不得折錢諸路災傷不得截撥上供廣濟河上供不得折錢帛惠民河上供減十五萬石只令運二十萬黃河年額馬料三十萬石般運到京汴河漕輓令般糴米年退錢一項充糴本通漕運當令河道疏通折中倉坐倉收糴事簡利博京師河北兵就糧淮南京東揀剩負租稅視凶穰弛斂發運使屬官久任補填綱欠今日之勢國依兵而立兵以食爲命食以漕運爲本宰相富弼讀奏於上前畫漏盡十刻上太息稱善弼曰此國計大本也悉如新啓施行後未期年而京師有五年之蓄

皇祐二年楊佐鑿澶通河以利漕舟又議落復國初轉粟舊跡從之

嘉祐二年詔開漕運河按宋史仁宗本紀不載按玉海二年十一月十三日詔三司以來春開漕運河此十四策之一

按宋史仁宗本紀不載按楊佐傳佐累遷河陰發運判官幹當河渠司皇祐中汴水殺溢不常漕舟不能屬佐度地鑿澶以通河流於是置都水監命佐以鹽鐵判官同判京城地勢南下涉夏秋則苦霖潦佐開永通河疏溝澮出野外自是水患息又議治孟陽河議者謂不便佐言國初歲轉京東粟數十萬今所致亡幾儻不渚復舊跡後將廢矣乃從其策

嘉祐三年詔令諸道據年額赴真楚泗州轉般倉復運鹽歸本路按宋史仁宗本紀不載按玉海三年十一月庚寅詔曰國家建都河汴仰給江淮六路所供之租各輸於真楚度支所用之數悉集於京師以發運司總其綱條以轉運使幹其歲入荆湖舟楫回載海鹽淮汴舳艫不涉江路方冬閉塞役卒少休近歲因循茲事遂廢吏緣爲蠹人實告勞始自五年令諸道據年額赴真楚泗州轉般倉復運鹽歸本路不得撥裏河鹽糧綱往諸路初許元言汴船不出外江比歲糧船大

按宋史仁宗本紀不載按張方平傳方平爲三司使建言國家都陳留當四通五達之道非若雍洛有山川足恃特倚重兵以立國耳兵恃食食恃漕運以汴爲主汴帶引淮江利盡南海天聖已前歲調民浚之故水行地中其後淺妄者爭以裁減役費爲功汴

按宋史仁宗本紀不載按玉海三年十一月庚寅詔曰國家建都河汴仰給江淮六路所供之租各輸於真楚度支所用之數悉集於京師以發運司總其綱條以轉運使幹其歲入荆湖舟楫回載海鹽淮汴舳艫不涉江路方冬閉塞役卒少休近歲因循茲事遂廢吏緣爲蠹人實告勞始自五年令諸道據年額赴真楚泗州轉般倉復運鹽歸本路不得撥裏河鹽糧綱往諸路初許元言汴船不出外江比歲糧船大

半爲雜般綱沈失者多從元議降是詔

嘉祐四年罷運菽減漕船三百艘

按宋史仁宗本紀不載 按食貨志歲辦漕船市材木役牙前勞費甚廣嘉祐四年罷所運菽減漕船三百艘自是歲漕三河而已

嘉祐六年以汴水淺澀常稽運漕詔興役狹河岸束水勢以便之

按宋史仁宗本紀不載 按河渠志六年汴水淺澀常稽運漕都水奏河自應天府抵泗州直流湍駛無所阻惟應天府上至汴口或岸闊淺漫宜限以六十步闊於此則爲木岸狹河扼束水勢令深駛稍伐岸木可足也遂下詔興役而衆議以爲未便宰相蔡京奏祖宗時已嘗狹河矣俗好沮敗事宜勿聽役卽半岸木不足募民出雜稍岸成而言者始息舊曲灘漫流多稽留覆溺處悉爲駛直平夷操舟往來便之

欽定古今圖書集成經濟集編食貨典

第一百五十八卷目錄

漕運部彙考四

宋二 英宗 治平二則 神宗 熙寧八則 元豐
三則 徽宗 崇寧二則 大觀二則 政和
三則 宣和五則 欽宗 靖康二則 高宗 建
炎三則 紹興十則

食貨典第一百五十八卷

漕運部彙考四

宋二

英宗治平三年汴河運船始皆出江

按宋史英宗本紀不載 按食貨志自嘉祐五年汴船不得復出江至期諸路船楫不足汴船既不至江外江外船不得至京師失商販之利而汴船工卒訖各坐食恆苦不足皆盜毀船材易錢自給船愈壞而漕額愈不及論者初欲漕卒得歸息而近歲汴船多備丁夫每船卒不過一二人至冬當留守船實無得歸息者時許元龍已久後至者數奏請出汴船執政不許治平二年始詔出汴船七十綱未幾皆出江復故治平三年漕粟至京師汴河五百七十五萬五千石惠民河二十六萬七千石廣濟河七十四萬石又漕金帛緡錢入左藏內藏庫者總其數一千一百七十三萬而諸路轉移相給者不預焉緣京西陝西河東運薪炭至京師薪以斤計一千七百一十三萬炭以秤計一百萬是歲諸路舫漕船二千五百四十艘

治平四年神宗即位以京師稅米陳腐令發運司以上供穀糶貴處市金帛儲備貨給軍

按宋史神宗本紀四年正月丁巳帝即皇帝位 按食貨志四年京師稅米支五歲餘

按文獻通考四年二司言京師稅米支五歲餘久且陳腐請令發運司以上供穀五十萬石糶穀貴處市金帛儲備貨務以給三路軍需從之

發運司始於仁宗時許元自判官為副使創汴河一百綱漕荆湖江淮兩浙六路八十四州米至真揚楚泗轉般倉而止復從通泰載鹽為諸路漕司經費發運司自汴河綱運米入京師

神宗熙寧二年詔漕運官各具財用利害以聞始募客舟與官舟分運

按宋史神宗本紀熙寧二年詔漕運鹽鐵等官各具財用利害以聞 按食貨志是時漕運吏卒上下共為侵盜貿易甚則託風水沉沒以滅迹官物陷折歲不減二十萬斛熙寧二年薛向為江淮等路發運使始募客舟與官舟分運互相檢察舊弊乃去歲漕常數既足募商舟運至京師者又二十六萬餘石而未已請充明年歲計之數三司使吳充言宜自明年減江淮漕米二百萬石令發運司易輕貨二百萬緡計五年所得無慮緡錢千萬轉儲三路平糶備邊王安石謂驟變米二百萬石米必陡賤驟致輕貨二百萬貫貨必陡貴當令發運司度米貴州郡折錢變為輕貨儲之河東陝西要便州軍用常平法糶糴為便詔如安石議 按薛向傳向為江浙荆淮發運使綱舟歷歲久篙工利於盜貨嘗假風水沉溺以滅迹向募

客舟分載以相督察官舟有定數多為主者冒占悉奪界屬州諸運皆詣本曹受遣以地有美惡利有重輕為立等式用所漕物為誅賞 按王安石傳安石為翰林學士設措置河北糶便司廣積糶穀於臨流州縣以備饋運

熙寧三年以韓琦奏御河漕運通駛詔專治東流 按宋史神宗本紀不載 按河渠志三年二月命張茂則張瑱相度漕滑州以下至東流河勢隄防利害時方濬御河韓琦言事有緩急工有後先今御河漕運通駛未至有害不宜減大河之役乃詔輟河夫卒三萬三千專治東流 又按志三年二月韓琦又奏御河漕運通流不宜減大河夫役於是止令樞密院調兵三千并都水監卒二千三月又益發壯城兵二千仍詔提舉官程昉等促迫功限六月河成

熙寧四年程昉請開宋家等堤畎水以助漕運 按宋史神宗本紀不載 按河渠志云云 按臣者傳程昉熙寧初為河北屯田都監河決東疆鹽二股河導之使東為鋸牙下以竹落塞決口加帶御器械河決商胡北流與御河合為一及二股東流御河遂淺濶昉以開浚功遷官苑副使又塞漳河作浮梁於洛州兼外都水丞詔相度興修水利河決大名第五埽防議塞之因疏塘水溉深州田又導胡蘆河自樂壽之東至滄州二百里塞孟家口開乾寧軍直河作橋於真定之中渡

熙寧六年買囊駝運沿邊糧草仍不廢汴渠歲運 按宋史神宗本紀不載 按食貨志河北河東陝西三路租稅薄不足以供兵費屯田營田歲入無幾糶

買入中之外歲出內藏庫金帛及上京樵貨務緡錢皆不翅數百萬選使臣軍大將河北船運至乾寧軍河東陝西船運至河陽措置陸運或用鋪兵廂軍或發義勇保甲或差雇夫力車載駝行隨道路所宜河北地里差近西路回遠又涉積險運致甚艱熙寧六年詔鄜延路經略司支封樁錢於河東買橐駝三百運沿邊糧草 按河渠志六年夏都水監丞侯叔獻乞引汴水於府界開田安石力主之木既數放或至絕流公私重舟不可盪有閘折者帝以人情不安嘗下都水分析并詔三司同府界提點官往視十一月范子奇建議冬不閉汴口以外江綱運直入汴至京廢運般安石以爲然詔汴口官吏相視卒用其說又按志六年侯叔獻請儲三十六陂及京索二水爲源倣真楚州開平河置牕則四時可行舟因廢汴渠帝曰白溝功料易耳第汴渠歲運甚廣河北陝西資焉又京畿公私所用良材皆自汴口而至何可遽廢王安石曰此役苟成亦無窮之利也當別爲漕河引黃河一支乃爲經久馮京曰若白溝成與汴蔡皆通漕爲利誠大恐汴終不可廢帝然之

熙寧七年詔濬廣濟河增置漕舟

按宋史神宗本紀不載 按食貨志七年京東路察訪鄧潤甫等言山東沿海州郡地廣豐歲則穀賤募人爲海運山東之粟可轉之河朔以助軍食詔京東河北路轉運司相度卒不果行是歲江淮上供穀至京師者三分不及一令督發運使張頤亟辦來歲漕計宣徽南院使張方平言今之京師古所謂陳留天下四衝八達之地利漕運而贍師旅國初浚河渠三

道以通漕運立上供年額汴河六百萬石廣濟河六十二萬石惠民河六十萬石廣濟河所運止給太康咸平尉氏等縣軍糧唯汴河運米麥乃太倉蓄積之實近罷廣濟河而惠民河斛斗不入大倉大衆所賴者唯汴河議者屢作改更必致汴河日失其舊十二月詔濬廣濟河增置漕舟其後河成歲漕京東穀六十萬石東南諸路上供雜物舊陸運者增舟水運押汴河江南荆湖綱運七分差三班使臣三分軍大將殿侍又令真楚泗州各造淺底舟百艘分爲十綱入汴

熙寧八年罷歲運赴西京糧治汴水丁字河沙河及四斗門以利運

按宋史神宗本紀八年六月醴汴水入蔡河以通漕 按河渠志八年詔京西運米於河北於是侯叔獻請因丁字河故道築堤置牕引汴水入於蔡以通舟運河成舟不可行尋廢 又按志八年程昞與劉瑜言衛州沙河湮沒宜自王供埽開濬引大河水注之御河以通江淮漕運仍置斗門以時啓閉其利有五王供危急免河勢變移而別開口地一也漕舟出汴橫絕沙河免大河風濤之患二也沙河引水入於御河大河漲溢沙河自有限節三也御河漲溢有斗門啓閉無衝注淤塞之弊四也德博舟運免數百里大河之險五也一舉而五利附焉請發卒萬人一月可成從之 又按志八年四月管轄京東淤田李孝寬言礮山漲水甚濁乞開四斗門引以淤田權罷漕運再旬從之 按宦者傳程昞以功遷官苑副使自衛州王供埽導沙河入御河以廣運路

按文獻通考八年詔罷歲運糧百萬石赴西京先是導洛入汴運東南粟以實洛下至是戶部奏罷之熙寧九年復廣濟河漕仍修牕牕以啓閉 按宋史神宗本紀九年夏四月戊戌復廣濟河漕 按河渠志九年詔依元額漕粟京東仍修牕牕爲啓閉之節

熙寧十年議准通津門裏汴河岸東城裏開河一道以接行運

按宋史神宗本紀不載 按文獻通考十年提舉汴河隄岸司言京東地富穀粟可以漕運但以河水淺濫不能通舟近修京東河岸開斗門通廣濟河爲利甚大今請通津門裏汴河岸東城裏三十步內開河一道及置斗門上安水磨下通廣濟河應接行運從之

元豐二年浚淮南運河

按宋史神宗本紀不載 按玉海元豐二年浚淮南運河自召伯堰至儀真十四節

元豐四年六路大舉詔許督運斬知州以下更用車運法以夫畜往來短運

按宋史神宗本紀不載 按食貨志自熙寧以來王韶開熙河章惇營溪洞沈起劉彝啓交趾之際韓存寶林廣窮乞第之役費用科調益繁陝西宿兵既多元豐四年六路大舉西討軍費最甚於他路帝先慮科役擾民令趙鼎廉問頗得其事又以糧餉艱惡欲械斬河東涇原漕臣以勵其餘卒以師興役衆鮮克辦給又李稷爲鄜延漕臣督運詔許斬知州以下之軍與者民苦摺運多散走所殺至數千人道斃者不

在焉於是文彥博奏言關陝人戶昨經調發不遺餘力死亡之餘疲瘵已甚爲今之計止當勞來將士安撫百姓全其瘡痍使得蘇息明年優詔嘉答初西帥無功議者慮朝廷再舉自是帝大感悟申飭邊臣固境息兵關中以蘇 又按志四年河東轉運司調夫萬一千人隨軍坊郭上戶有差夫四百人者其次一二百人願出驢者三驢當五夫五驢別差一夫驅喝一夫雇直約三千以上一驢約八千加之期會迫趣民力不能勝軍須調發煩擾又多不急之務如絳州運聚千石往麟府每石止直四百而雇直乃約費三十緡涇原路轉運判官張大寧言餽運之策莫若車便自熙寧至磨礪口皆大川通車無礙自磨礪至兜嶺下道路亦然嶺以北卽山險少水車乘難行可就嶺南相地利建一城砦使大車自鎮戎軍載糧草至彼隨軍馬所在以軍前夫畜往來短運更於中路量度遠近以遣回空夫築立小堡應接如此則省民力之半神宗嘉之京西轉運司調均鄧州夫三萬每五百人差一官部押赴鄧延饋運其本路程途日支錢米外轉運司計自入陝西界至延州程數日支米錢三十柴菜錢十文竝先併給陝西都轉運司於諸州差雇車乘人夫所過州交替人日支米二升錢五十至沿邊止運糧出界止差廂軍 按李稷傳稷爲陝西轉運使稷督餉民苦摺運多散逸稷令騎士執之斷其足筋宛轉山谷間凡數十人累日乃得死始稷受旨得斬郡守以下於是上下相臨以峻法雖小吏獲丁夫亦額戮不請軍食竟不繼 元豐五年罷廣濟河輦運司改清河輦運司以御河

狹隘令綱運轉入大河

按宋史神宗本紀不載 按食貨志五年罷廣濟河輦運司及京北排岸司移上供物於淮陽計置入汴以清河輦運司爲名御史言廣濟安流而上與清河汴流入汴遠近險易不同詔轉運提點刑獄比較利害以聞 按河渠志五年提舉河北黃河隄防司言御河狹隘隄防不固不足容大河分水乞令綱運轉入大河而閉截徐曲既從之矣明年戶部侍郎蹇周輔復請開撥以通漕運

按玉海初廣濟河置渠通漕歲六十二萬石以旱不通置輦運司元豐五年二月十一日罷之移上供物於淮陽軍界入汴名爲清河輦運司命張士澄提舉元豐六年詔熙河蘭會供人馬蒙駝般運開龜山運河

按宋史神宗本紀不載 按食貨志六年詔熙河蘭會經略制置司計置蘭州人萬馬二千般運糧草於次路州軍劃割官私蒙駝二千與經制司自熙河摺運事力不足發義勇保甲給河東陝西邊用非機速者竝作小綱數排日遞送 又按志江淮等路發運副使蔣之奇都水監丞陳祐甫開龜山運河漕運往來免風濤百年沈溺之患詔各遷兩官餘官減年循資有差 按蔣之奇傳之奇擢江淮荆浙發運副使元豐六年漕粟至京比常歲溢六百二十萬石錫服三品請鑿龜山左肘至洪澤爲新河以避淮險自是無覆溺之患詔增二秩加直龍圖閣升發運使 元豐七年令役夫穴土成渠以通漕舟復濬眞楚運河

按宋史神宗本紀不載 按河渠志七年八月都大提舉汴河堤岸司言京東地富穀粟可漕獨患河澗

若因修京城令役兵近汴穴土使之成渠就引河水注之廣濟則漕舟可通是一舉而兩利也從之 又按志七年十月濬眞楚運河

按玉海七年八月置斗門復通廣濟河以漕

元豐八年戶部奏罷歲運百萬石赴西京立汴河糧綱賞罰

按宋史神宗本紀不載 按食貨志八年罷歲運百

萬石赴西京先是道洛入汴運東南粟實洛下至是戶部奏罷之是年立汴河糧綱賞罰歲終檢察 哲宗元祐元年復廣濟河源以通漕運

按宋史哲宗本紀元祐元年三月己卯復廣濟河輦運 按河渠志元年詔斥祥符霧澤陂募民承佃增

置水匱又卽宣澤門外仍舊引京索源河置槽架水流入咸豐門皆以爲廣濟淺澀之備三月三省言廣濟河輦運近因言者廢罷改置清河輦運迂遠不便詔知棣州王諤措置興復都水監亦言廣濟河以京索河爲源轉漕京東歲計今欲依舊卽令於宣澤門外置槽架水流入咸豐門裏由舊河道復廣澤河源以通漕運從之

元祐 年杭州守臣蘇軾請於臨安運河設牐以免潮水壅塞從之

按宋史哲宗本紀不載 按河渠志臨安運河在城中者日納潮水沙泥渾濁一汎一淤比屋之民委棄草壤因循填塞元祐中守臣蘇軾奏謂熙寧中通判杭州時父老皆云苦運河淤塞率三五年常一開濬

不獨勞役兵民而運河自州前至北郭穿閘中蓋
十四五里每將興工市肆洶動公私騷然自胥吏臻
皆兵級等皆能恐喝人戶或云當於某處置土某處
過泥水則居者皆有失業之憂既得重賂又轉而之
他及工役既畢則房廊邸舍作踐狼籍園隙地側
成丘阜積雨蕩濯復入河中居民患厭未易悉數若
三五年失開則公私壅滯以尺寸水行數百斛舟人
牛力盡跬步千里雖監司使命有數日不能出郭者
詢其所以頻開屢塞之由皆云龍山浙江兩間泥沙
渾濁積日稍久便及四五尺其勢當然不足怪也尋
剗刷捍江兵士及諸色廂軍得一千人七月之間開
濬茅山鹽橋二河各十餘里皆有木八尺自是公私
舟船通利三十年以來開河未有若此深快者然潮
水日至淤塞猶昔則三五年間前功復棄今於於轄
司前置一牐每週潮上則暫閉此牐候潮平水清復
開則河過閘中者未無潮水淤塞開淘騷擾之患
詔從其請民甚便之 按蘇軾傳軾知杭州杭本近
海地泉鹹苦居民稀少唐刺史李泌始引西湖水作
六井民足於水白居易又浚西湖水入漕河自河入
田所溉至千頃民以殷富湖水多葑自唐及錢氏歲
輒浚治宋興廢之葑積為田水無幾矣漕河失利取
給江湖舟行市中潮又多淤三年一淘為民大患六
井亦幾於廢軾見茅山一河事受江湖鹽橋一河事
受湖水遂浚二河以通漕
元祐六年計歲運欠折之數蘇軾論綱運五弊
按宋史哲宗本紀不載 按玉海嘉祐以前歲運六
百萬石欠折不過六七萬石元祐六年運四百五十

餘萬石欠折約三十餘萬石蘇軾論綱運五弊
元祐七年蘇軾請復舊漕法聽操舟者私載物貨
按宋史哲宗本紀不載 按蘇軾傳六年軾以龍圖
閣學士出知穎州七年徙揚州舊發運司主東南漕
法聽操舟者私載物貨征商不得留難故操舟者輒
富厚以官舟為家補其弊漏且周船夫之乏故所載
率皆速達無虞近歲一切禁而不許故舟人困多
盜所載以濟饑寒公私皆病軾請復舊從之
紹聖元年以尚書蔡京言歲計皆藉東南漕運詔依
元豐例疏通汴口
按宋史哲宗本紀不載 按河渠志紹聖元年十二
月戶部尚書蔡京言本部歲計皆藉東南漕運今年
上供物至者十無二三而汴口已閉臣責問提舉汴
河堤岸司楊琰乃稱自元豐二年至元祐初八年之
間未嘗塞也詔依元豐條例
紹聖二年置汴綱作二百綱
按宋史哲宗本紀不載 按食貨志二年置汴綱通
作二百綱在部進納官銓試不中者注押上供糧斛
不用衙前土人軍將未幾復募土人押諸路綱如故
按曾公亮傳公亮子孝蘊紹聖中管幹發運司羅
羅事建言揚之瓜州潤之京口常之奔牛易堰為牐
以便漕運商賈既成公私便之
元符元年修楚州河以利漕渠
按宋史哲宗本紀不載 按玉海元符元年修楚州
河賜名通漕河皆為東南漕渠計也
徽宗崇寧三年以重船般剝勞費於堰旁置轉般倉
用河船載之入汴

按宋史徽宗本紀不載 按食貨志自熙寧以來其
法始變歲運六百萬石給京師外諸倉常有餘蓄州
郡告歉則折收上價謂之額斛計本州歲額以倉儲
代輸京師謂之代發復於豐熟以中價收糴穀賤則
官糴不至傷農饑歉則納錢民以爲便本錢歲增兵
食有餘崇寧初蔡京為相始求羨財以供修費用所
親胡師文為發運使以糴本數百萬緡充貢入爲戶
部侍郎來者效尤時有進獻而本錢竭矣本錢既竭
不能增糴而儲積空矣儲積既空無可代發而輪般
之法壞矣崇寧三年戶部尚書會孝廣言往年南自
真州江岸北至楚州淮堤以堰澗水不通重船般剝
勞費遂於堰旁置轉般倉受逐州所輸更用運河船
載之入汴以達京師雖免推舟過堰之勞然侵盜之
弊由此而起
崇寧四年修蘇村等處運糧河堤
按宋史徽宗本紀不載 按河渠志四年二月工部
言乞修蘇村等處運糧河堤為正堤以支漲水較修
棄堤直堤可減工四十四萬斛七十一萬有奇從之
大觀二年以轉運糧多增鋪兵
按宋史徽宗本紀不載 按食貨志大觀二年京畿
都轉運使吳擇仁言西輔軍糧發運司歲撥八萬石
貼助於榮澤下卸至州尚四五十里擺置車三鋪每
鋪七十人月可運八千四百石所運漸多據數增添
鋪兵
大觀三年詔直達綱依舊法復令轉般
按宋史徽宗本紀不載 按食貨志天聖中發運使
方仲荀奏請度真楚州堰為水牐自是東南金帛茶

布之類直至京師惟六路上供斛斗猶循用轉般法

吏卒糜費與在路折閱動以萬數欲將六路上供斛

斗並依東南雜運直至京師或南京府界卸納庶免

侵盜乞貸之弊自是六路郡縣各認歲額雖湖南北

至遠處亦直抵京師號直達綱豐不加糴歉不代發

方綱米之來立法峻甚船有損壞所至修整不得踰

時州縣欲其速過但令供狀以錢給之沿流鄉保悉

致騷擾公私橫費百出又鹽法已壞廻舟無所得舟

人逃散船亦隨壞本法盡廢大觀三年詔直達綱自

來年並依舊法復令轉般令發運司督修倉廩荆湖

北路提舉常平王壽措置諸路運糧舟船

按文獻通考三年尙書省言六路上供斛斗已令直

達而奉行之吏因循止將歲貢額斛於真揚楚泗倉

敖爲卸納摺運之地又以所管斛斗代諸路歲額不

足之數且欠發運司米一百二十餘萬斛不償乞將

見在斛斗盡令般發赴朝廷從之

政和二年復行直達綱更以錢塘江有害漕運亟修築之

按宋史徽宗本紀不載 按食貨志政和二年復行

直達綱毀拆轉般諸倉 按河渠志二年七月兵部

尚書張閣言臣昨守杭州聞錢塘江自元豐六年泛

溢之後潮汎往來率無寧歲而比年水勢稍改自海

門過赭山即回薄巖門白石一帶北岸壞民田及鹽

亭監地東西三十餘里南北二十餘里江東距仁和

監止及三里北趨赤岸觀口二十里運河正出臨平

下塘西入蘇秀若失障禦恐他日數十里膏腴平陸

皆潰於江下塘田廬莫能自保運河中絕有害漕運

詔亟修築之

政和六年以拋欠斛斗卸於轉般倉已卸均糴斗斛

轉運上京

按宋史徽宗本紀不載 按食貨志六年以無額上

供錢物并六路舊欠發斛斗錢貯爲糴本別降三百

萬貫付盧宗原將湖南所起年額並隨正額預起拋

欠斛斗於轉般倉下卸却將已卸均糴斗斛轉運上

京所有直達候轉般斛斗有次第日罷之

政和七年立東南六路州軍裝發上供糧斛任滿賞

格

按宋史徽宗本紀不載 按食貨志七年立東南六

路州軍知州通判裝發上供糧斛任滿賞格自一萬

石至四十萬石升名次減年有差張根爲江南西路

轉運副使歲漕米百二十萬石給中都江州南州郡僻

遠官吏艱於督趣根嘗存三十萬石爲轉運之本以

寬諸郡時甚稱之

宣和二年詔六路綱運依法募官

按宋史徽宗本紀不載 按食貨志宣和二年詔六

路米麥綱運依法募官先募未到部小使臣及非泛

補授校尉以上未許參部人并進納人管押淮南以

五運兩浙及江東二千里內以四運江東二千里外

及江西三運湖南湖北二運各欠不及五釐格推賞

外仍許在外指射合入差遣一次召募土人拉罷

宣和三年以運河淺澀詔陳亨伯譚稹等措置

按宋史徽宗本紀不載 按河渠志三年春詔發運

副使趙億以車水運河限三月中三十綱到京宦

者李琮言真州乃外江綱運會集要口以運河淺澀

故不能速發按南岸有泄水斗門八去江不滿一里

欲開斗門河身去江十丈築軟壩引江潮入河然後

倍用人工車水以助運水從之四月詔曰江淮漕運

尚矣春秋時吳穿邗溝東北通射陽湖西北至末口

漢吳王濞開邗溝通運海陵隋開邗溝自山陽至揚

子入江雍熙中轉運使劉蟠以山陽灣急始開沙

河以避險阻天禧中發運使賈宗始開揚州古河緣

城南接運渠毀三堰以均水勢今運河歲淺澀當詢

訪故道及今河形勢與陂塘滿水之地講究措置悠

久之利以濟不通可令發運使陳亨伯內侍譚稹條

具措置以聞六月臣僚言比緣淮南運河水澀逾半

歲禁綱舟篙工附載私物今河水增漲其令如舊初

淮南連歲旱漕運不通揚州尤甚詔中使按視欲濬

運河與江淮平會兩浙有方臘之亂內侍童貫爲宣

撫使譚稹爲制置使貫欲海運陸輦稹欲開一河自

貽肝出宣化朝廷下發運司相度陳亨伯遣其屬向

子謹視之子謹曰運河高江淮數丈自江至淮凡數

百里人力難濟昔唐李吉甫廢牐置堰治陂塘泄有

餘防不足漕運通流發運使會孝蘊嚴三日一啓之

制復作歸水澳惜水如金比年行直達之法走茶鹽

之利且應奉權倖朝夕經由或啓或閉不暇歸水又

頃毀朝宗牐自洪澤至召伯數百里不爲之節故山

陽上下不通欲採其弊宜於真州太子港作一牐以

復懷子河故道於瓜洲河口作一牐以復龍舟堰於

海陵河口作一牐以復茱萸待賢堰使諸塘水不爲

瓜洲真泰三河所分於牐神相近作一牐權閉滿浦

牐復朝宗牐則上下無壅矣亨伯用其言是後滯舟